

րէն լեզւարանական բազմաթիւներ, որ երկար տարիների տքնաջան աշխատանքի պտուղ է եւ որ մի խումբ մտաւորականների նախաձեռնութեամբ հրատարակութեան պիտի տրւի առանձին հատորով:

Եգիպտոսի հայ հասարակութեան մէջ պրոֆ. Յ. Գայանանը հեղինակաւոր եւ ընդհանուր համակրանք վայելող անձ էր: Դաւանանքով բողոքական՝ ամբողջ կեանքում նա աշխատեց հայկական ընդհանուր գործերում եւ մահւանից առաջ կտակեց, որ իրեն թաղեն հայկական գերեզմանատանը լուսաւորչական ծէսով: Անցեալ տարի Եգիպտահայ Ուսուցչական Միութեան նախաձեռնութեամբ տօնեց նրա հանրային - կրթական գործունէութեան 50 ամեակը - յարգանքի մի արտայայտութիւն, որին պրոֆ. Գայանանը արժանի էր ըստ ամենայնի:

III

ՅԱԿՈԲ ՔՈԶԱՐԵԱՆ

Մի տարի առաջ, 1933 թ. յունիս 3-ին, Երեւանի «Պորհրդ. Հայաստան» թերթի չորրորդ էջի ամենէն վարի անկիւնը, սեւ շրջանակի մէջ, տրւած էր հետեւեալ մանրատառ, հազիւ նշմարելի մահազդը:

«Հ. Կ. Խաչի Կեմակումի տեղկումը եւ կոյեկտիւր խոր ցաւակցութիւն եւ յայտնում նոյն կոյեկտիւի անդամ Յակոբ Քոզարեանի անակնկալ մահուան առթիւ»:

Այսքան եւ ուրիշ ոչինչ: Այնուհետեւ այլեւ ո'չ մի խօսք, ո'չ Հայաստանի, ոչ էլ արտասահմանի թերթերում: Եթէ այդ օրհնեալ «տեղկումն» ու «կոյեկտիւն» էլ չլինէին, ապարախտ Քոզարեանին ո'չ մի յիշող չպիտի գտնէր: Մինչդեռ հանդուցեալը այն մարդկանցից էր, որոնք բազմաթիւ ծանօթներ ու բարեկամներ ունեն եւ իրենք էլ բարեկամ են շատերին: Բացի այդ, Քոզարեանը նաեւ աչքի ընկնող հասարակական ու մշակութային գործիչ էր:

Արդարութիւնը պահանջում է, որ գոնէ այժմ, մահւան տարելիցի առթիւ, թէկուզ հակիրճ խօսքերով, վերլիչենք նրա կեանքն ու գործը:

Յակոբ Քոզարեանը Երեւան քաղաքից էր, ծնած 1865 թւին: Առաջնակարգ մրցանակով աւարտելով պետական գիմնազիոնը՝ ութսունական թւականների վերջերը նա մտաւ Մոսկուայի համալսարանի պատմա-բանասիրական բաժինը, ուր աչքի ընկաւ իր փայլուն



THEODORE PARKER

ընդունակութիւններով, այնքա՛ն, որ համալսարանի վարչութիւնը նրան առաջարկեց մնալ համալսարանում եւ պատրաստել պրոֆեսորութեան: Քոչարեանը, սակայն, չհամաձայնեց: Նրան, ինչպէս այն ժամանակեայ մեր երիտասարդութեան լաւագոյն մասին, ուրիշ հարցեր էին զբաղեցնում, հայ յեղափոխութեան երկունքի օրեր էին. մտքերը զբաււած էին ժողովրդասիրական – ազատագրական տենչերով: Հայկական մթնոլորտը յազեցած էր մի տրամադրութեամբ, որից չուտով ծնունդ պիտի առնէր Հ. Յ. Դաշնակցութիւնը: Քոչարեանը այդ շրջանի երիտասարդութեան կառկառուն զէմքերից էր. գործօն մասնակցութիւն ունէր մտաւոր – յեղափոխական շարժումների մէջ, համալսարանական ամբիոնը նրան չէր կարող հրապուրել:

1890 թ. ամառը Թիֆլիզում հիմնեց Հ. Յ. Դաշնակցութիւնը: Քոչարեանը կազմակերպիչ մարմնի անդամներից մէկն էր: Եւ այնուհետեւ մինչեւ մահ կապւած մնաց այդ կուսակցութեան հետ: Ճիշտ է, ակնկալւածի չափ փայլուն դեր չունեցաւ նրա մէջ, արդեւք եղաւ նրա առողջական վիճակը: Բայց կատարեց շատ պատասխանատու պաշտօններ եւ միշտ էլ պատուով դուրս եկաւ ստանձնած պարտականութիւններից:

Համալսարանը աւարտելուց յետոյ Քոչարեանը նւիրեց ուսուցչական գործունէութեան, որ, սակայն, երկար չտևեց: Նա պաշտօն ստացաւ յայտնի դրամատէր Ալ. Մանթաշեանի մօտ, դարձաւ նրա մի տեսակ անձնական քարտուղարը եւ այդ պաշտօնում էլ մընաց, քանի գոյութիւն ունէր Մանթաշեանի դրամատիրական հաստատութիւնը: Պաշտօնը տալիս էր նրան ահագին ազատ ժամանակ, որ նա ամբողջութեամբ նւիրում էր հասարակական գործունէութեան, կուսակցութեան եւ մշակութային աշխատանքների:

Հ. Յ. Դաշնակցութեան մէջ առանձնապէս եռանդուն աշխատանք կատարեց նա առաջին տարիներին, հիմնադրութեան շրջանում եւ նրանից յետոյ: 1892 թ. նա մասնակցեց Դաշնակցութեան առաջին ընդհանուր ժողովին: Մինչեւ 1897 թ. ապրելով Թիֆլիսում՝ գործակցեց Քրիստափորին եւ Ս. Զաւարեանին, որոնք վարում էին Բիւրօի աշխատանքները: 1897–99 թ. նա Հ. Յ. Դ. Բաթումի կոմիտէի անդամ էր. 1900–1906՝ Բագուի, 1907–8՝ Թիֆլիսի: 1908 թ. վարեց Հ. Յ. Դ. խորհրդի քարտուղարի պաշտօնը: Առհասարակ քարտուղարութիւնը Քոչարեանի բնական կոչումն էր, կարծես: 1912–17 թ. քարտուղար եղաւ Ազգային Բիւրօի: 1917–18 թ. քարտուղարութիւն արաւ Ազգային խորհրդում: 1919 թ. քարտուղարի պաշտօն կատարեց Պօղոս Նուպարի եւ Հայաստանի Կառավարութեան պատ-

ւերակները վարած՝ բանակցութիւնները ժամանակ: 1918-23թ. աշխատեց Հ. Հ. Փարիզի Պատերազմութեան մէջ: 1925 թ. մասնակցեց Հ. Յ. Դ. 10-րդ Ընդհ. Ժողովին: Ապա մեկնեց Հայաստան, ուր մինչեւ մահ քարտուղար եղաւ Կարմիր Սաշի Կենտրոնական վարչութեան մէջ:

Միաժամանակ, ուր եւ լինում էր, Քոչարեանը կատարում էր հասարակական զանազան ուրիշ պաշտօններ — հոգաբարձու, թատերական ընկերութեան վարչութեան անդամ, անդամ բաղմաթիւ մըշակութային կազմակերպութիւնների եւ ընկերութիւնների, յաճախ, քարտուղարի, հաշւապահի կամ զանձապահի զերում: Նա ամէն տեղ յարգւած ու սիրւած անձ էր: Բոլորի գոնեւրը բաց էին նրա առաջ: Նրա սիրտն էլ բաց էր ամենքի առջեւ: Մեծի հետ մեծ, փոքրի հետ փոքր, տղամարդկանց թէ կանանց շրջանում Յակոբ Քոչարեանը տան մարդ էր, սիրելի հիւր, բարեկամ կամ ընկեր՝ նւիրւած եւ անկաշառ:

Յ. Քոչարեանը կարեւոր տեղ ունեցաւ եւ գրական — լրագրական աշխատանքի ընդառառում: Լաւ լեզւագէտ — ազատ խօսում ու գրում էր ռուսերէն ու Ֆրանսերէն, տիրում էր անգլիերէնի ու գերմաներէնի — Քոչարեանը ունի արժէքաւոր թարգմանական գործեր: Նրա գրչի տակից է գուրս եկել, օրինակ, Հ. Իրսէնի «Կառուցանող Սոնէտ» դրամայի, ինչպէս նաեւ մի քանի ուրիշ թատերգութիւնների թարգմանութիւնը: Նա ունի հայերէն թերթերում բաղմաթիւ յօդւածներ հայկական հարցին կամ հայ մշակոյթի զանազան երեւոյթներին նւիրւած, մեծ մասամբ Յ. Ք. ստորագրութեամբ:

Զարմանալի համեստ, իր անձը առաջ չմղող, իր մասին խօսք չսիրող, բայց հմուտ ու զարգացած, հետաքրքրական դէմք էր Յ. Քոչարեանը: Այդ անսահման համեստութեան պէտք է վերագրել եւ նրա մահւան բոլորովին չնկատւած անցնելը: Թող գէթ այս տողերը յարգանքի արտայայտութիւն լինեն սիրելի Յակոբի թանգազին յիշատակին:

IV

Վ. Դ. ՂՈՐՂԱՆՆԱՆ

Մայիս 24-ին Երեւանում վախճանւել է պրոֆ. Վ. Ղորղանեանը — հմուտ երաժշտական քննադատ — պատմագիր եւ արւեստի վաստակաւոր գործիչ: Մնւել էր 1865 թ. Թիֆլիսում: Աւարտել էր Թիֆլիսի ուշադական դպրոցը, ապա՝ Պետրբուրգի Ինժեներական